

Zeitschrift: Igl Ischi : organ della Romania (Societat de Students Romontschs)

Herausgeber: Romania (Societat de Students Romontschs)

Band: 79 (1997)

Heft: 6

Artikel: La malsogna dil pugn en sac

Autor: Monn, Alexi

DOI: <https://doi.org/10.5169/seals-881663>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 30.07.2025

ETH-Bibliothek Zürich, E-Periodica, <https://www.e-periodica.ch>

La malsogna dil pugn en sac

Ella tiara dils uauls regeva inagada in retg. Il pli remarcabel da quei era ch'el fuva vegnius eligius dil pievel. Il retg mirava ch'ei mondi bein cun sias subditas e ses subdits. E perquei mava ei era bein cun el. El regeva en atgna reschia, pia fageva el quei ch'il retg dad atgna grazia fa era. El veva bein ministers e ministras, cussegliadras e cussegliaders, quels „schavan“ denton far il retg la laver. El cumprava rauba, vendeva ella cun gudogn, baghegiava vias, scarpava giu baghetgs e reconstrueva puspei baghetgs. El incassava taglias e taxas. Detg cuort e bein, el mirava che l'economia marschi, che sia tiara flureschi. Il retg mirava pil beinstar da ses subdits. A lezs, silmeins ad entgins da quels, plascheva quei mo empau. Els vesevan ch'il retg profitava era sez, ch'el saveva adina puspei engrondir siu casti. Che sia parentella, ils ducas, prencis e princessas profitavan era. Els, ils subdits, eran dil meini ch'els sezs profiteschien memia pauc. Perquei han els entschiet a serebalzar, denton - sco quei era usit ella tiara dils uauls - buca aviartamein. Els fagevan la giatta morta e pugn en sac. Els levan buca pli pagar la taglia, la dieschma al retg. Il retg denton ha - e quei fa in bien retg - sentiu che ses subdits eran buca cuntents (forsa veva el era mo ses informaturs - quei ch'in bien retg ha par'ei era). Ed el ha - sco el ha adina fatg quei - priu sia decisiun. El ei sepresentaus avon il pievel ed ha detg: „Vus essas buca pli cuntents cun mei, Vus temeis che jeu profiteschi memia fetg da miu post. Sco bien retg eis ei denton impuront per mei, che Vus seigies cuntents.“ Quels che fagevan pugn en sac schevan - naturalmein sut vusch -“clar, ussa ha el profitau avunda, schiditg ch'el ha saviu far sco'l leva, eran nus cuntents...“. Basta - en mintga cass ha il retg mess a disposiziun siu post e detg ch'il pievel dueigi eleger in successur.

Denton ussa han ils problems pér entschiet. Il pievel ha encuretg ed encuretg ina successura ni in successur. Denton negin che leva

surprender la responsabladad pil reginavel. U che la dunna lubeva buca, ni ch'ins veva buca peda ni ni ni ni En mintga cass era ei stau pli lev da criticar e far pugn en sac che da surprender sez responsabladad.

Cun ditg encuir han els lu tuttina anflau in vegliuord cun barba grischa e cana crutscha ch'ei staus promts da surprender la responsabladad e manischar la barca. El hagi grad nuot pli perdert da far, ed il tetel da retg maunchi aunc en siu palmarès, gie insumma, in retg hagi gie buca da far la massa. Detg cuort e bein - igl um ei vegnius eligius cun laud e gloria retg dalla tiara digl uaul. E pren mira, in onn varga, dus onns vargan e nuot schabegia, negin baghegia, negin scarpa giu baghetgs e reconstruescha els, nuot marscha, l'economia entscheiva a pitir ed aschia era ils subdits. Sez veva il retg neginas ideas, e sch'enzatgi leva far zatgei, stueva il retg scalarir gl'emprem, dumandar, secussegliar. El scheva ch'el seigi halt per la democrazia, perquei leva el buca veginir numnaus pli retg mobein president. Mintga decisiun vess il parlament giu da prender, lez ei sco igl ei (parlament = parlare = tschintscherlem) adina promts da far discussiuns, denton decisiuns? Mintga caussa pli difficile mava en ina prepreconsultaziun, ils resultats dalla prepreconsultaziun mavan en ina preconsultaziun e quels dalla preconsultaziun en ina consultaziun e tochen ch'il pievel vess giu da decider en ina votaziun era la sligiaziun buca pli actuala. Tut ses subdits pitevan, fagevan pugn en sac e selamentavan - naturalmein mo sut vusch.

Entgins valerus, prencis, ducas, conts e contessas levan far turnar igl anteriur retg. Denton lez leva buca pli. Cunquei ch'el veva tschentau a sesez ina buna basa economica sco retg (detg maltschec, fatg magliacs), ha el era giu success sco anteriur retg ed actual cont dalla muschna sut. Aschia ha el buca giu da basegns da reconquistar siu reginavel.

E sch'il tschuppel valerus ha buca anflau - naturalmein tut el zuppau - ina successura ni in successur pil president va tut aunc adina sco ei po, forsa schizun alla calicutta.



E tgei che quei ha da far cun mals e malsognas. Ein la malcuntentientscha, la scuidonza ed il pugn en sac buca ina malsogna derasada? Co schevan nos babuns? Cul pugn en sac san ins buca tonscher il maun per anflar buns retgs.